

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 27.11.2017թ. թիվ 1707188402 որոշումն անփոփոխ, իսկ վարչական բողոքն առանց բավարարման թողնելու մասին

<<02>> 02 2018թ. 12 4-27975-17/17-4-1214

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սայադ Ադամյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Մանթաշյան փողոցի 1- շենքի 15 բնակարանի բնակիչ Սայադ Ադամյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 27.11.2017թ. թիվ 1707188402 որոշումը՝ նշելով, որ տեսանյութում առկա փողոցների խաչմերուկը չի հանդիսանում Երևան քաղաքի Սարյան – Կ.Դեմիրճյան փողոցների խաչմերուկ:

Սայադ Ադամյանը ըստ էության ընդունում է Ճանապարհային ոստիկանության վարչական տույժ նշանակելու մասին 27.11.2017թ. թիվ 1707188402 որոշման իրավաչափությունը և այն վիճարկում է միայն իրավախախտման վայրը սխալ նշելու հիմքով:

Դիմումի քննարկման արդյունքում պարզվել է, որ դիմումատուի փաստարկն անհիմն է, քանի որ ՀՀ Երևան քաղաքի ավագանու 30.04.2014թ. թիվ 146-Ն որոշման համաձայն՝ Երևան քաղաքի Արամի և Փ. Բուզանդի փողոցների՝ Մ. Սարյան փողոցից մինչև Մ. Մաշտոցի պողոտա ընկած հատվածներն անվանակոչվել է՝ Հայաստանի Ազգային հերոս, պետական, քաղաքական գործիչ Կարեն Դեմիրճյանի անվամբ:


Նշեմ նաև, որ վարչական տույժ նշանակելու մասին որոշումների մեջ իրավախախտման վայրը նշվում է տեսախցիկի տեղադրման վայրով պայմանավորված և ընդգրկում է տեսախցիկի աշխատայքային տիրույթում գտնվող հատվածը, հետևաբար դա չի նշանակում, որ իրավախախտումը կատարվել է խաչմերուկի տարածքում:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 27.11.2017թ. թիվ 1707188402 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Սայադ Ադամյանին և ՃՈ ՏՄՀԽԱ կենտրոն:

*(Handwritten signature)*



Ե.Կարապետյան